



張文定公環碧堂集卷之九

祭文 三十一首

辭文廟文

維人生之大閑曰去就與辭受未有不致嚴於斯而可以入堯舜之道也嘗竊揆於平生亦庶幾其不疚苟吾徒其相信而相師則所以闡揚夫子之遺教者猶有在於既去之後也不然德義之弗崇孳孳焉較文藝而區先後也雖其明過離朱於頽風乎奚救耶顧西蜀之多材實濟濟乎英秀凡其所與昂而未成圖而未究者惟

張文定公環碧堂集卷之九

聖靈其終佑之

先賢祠安神祭文

懿帝衷之在人兮式靈承之惟慶俗靡靡其日偷兮莽狂攘而汨命砭膏肓以即康兮天假手乎賢聖尋墜緒於千秋兮忽抽關而啓鑰闢蕪蕪使廓如兮卓示予乎規矧粲遺經若日星兮允天民之先覺惟西梁之秀淑兮昔斯產而斯遊藹遺風之襲人兮靈運蜷而若留奉皇猷而設教兮萃多士以藏脩曰窮養而達施兮嚮脩途而操輶匪羣賢其曷師兮綽吾居而吾由靚堂宇之穆穆兮列明神之幽幽及新秋之爽愷兮率諸生而薦



羞願斯夕以瞻肅兮承嘉惠而日休

先賢祠時祭文

恭惟闡發六經式訓萬世道德功言海內所宗而西蜀諸郡則維經遊之地桑梓之鄉明神之眷顧有加而後學之瞻承尤切茲惟仲楮謹以牲醴粢盛祗陳明薦

遺德祠文

恭惟忠誠猷畧節義文章聲名昭揭乎四方而功德尤深於全蜀英靈儼在敬慕曷勝茲者書院告成多士雲集謹以牲薦綏我

明神伏惟冥垂眷祐使咸迪有成不贊

張文定公鑲碧堂集卷九

皇國以克嗣前脩

祭南嶽文

巍巍明神奠茲南服毓秀儲精群生率育予將

上命視學于茲夙夜勤惕質神無疑期育真才不闡文教亦越四載未觀成效效克用成資神之明嘉薦牲牲言達我誠惟神降靈懋篤忠真植我

皇明神其末寧

大旱禱銅盆浦龍文

維茲旱魃爲虐暑氣如焚川澤已積黃塵猷畧鞠爲枯草爰自仲夏以及初秋老幼憂惶婦子悲歎謂田稻失

收於去歲已苦聊生之無資倘大侵復繼于今秋實懼
遭命之奄至且夫仰事俯育公賦私圖一夫之身百責
攸萃雖在豐登之日猶防匱乏之虞身矻矻以經年心
閔閔以望歲

上天何故而瘕我以旱下民何恃而弗神之呼伏惟神
靈直至陽之元精與大造而同體呼吸則雲雷翕聚轉
移而雨澤滂沱柰何吝三日之膏霖而不以救萬民之
生命也耶脫或刑有寃濫事有蔽虧上干陰陽之和冥
觸山川之怒則惟饗饗者之罪與肉食者之司固當薄
雷照之光別珠瑜而降命不宜爲岷關之火并王石以
張定定鑿碧雀卷九

三一

俱焚也天地以生物爲心而神靈必與之同心民黎以
百穀爲命而神靈實惟其司命敢望鑒此非常之瘵哀
我至迫之情奮九淵以騰層霄石豈隆而需甘澍猷滄
皆溢禾稷咸登以枯瘠爲充肥憂悲號爲歌舞于以不
揚神化使蒸民感悅於無窮執典深卧重泉俾幽明蘊
憤於遐邇也耶

祭風雲雷雨蜀楚異越山川林陸江湖文

某昔嘗視學於荆楚之邦矣公私勤惰非明神之所知
邪家食數年而奉西蜀之

命經涉險遠存惟凶災乃至不能單處奔馳而歸淹

官於十年之久携兩柩於萬里之途人事苦辛一至於此非明神之所矜耶幸自發程及此屢危復安真冥謀持實荷

神賜茲惟自荆徂越路猶數千瞻望親闈歲聿其暮繼今以往終垂保佑使天時順際人事清嘉紆兩地之鬱陶集一門之康吉以副邦奇懇切祈望之情者非明神之所司邪敢以牲醴祗伸薦告

東內省告南京城隍廟文

竒等竊祿多愆上千天罰乃四月十有四日火起號舍

延燹數十楹戒懼兢惕具疏請罪于

張文定公

四一

天子既而火災屢起則率六館師生齋戒省愆莫敢違逸迺者智仁勇等號白晝之間猶復無故起火竒等深求內省莫知所為洪惟我

太祖高皇帝創建太學百六十年翼勵休明之治海宇奠安而明神亦克享常祀實太學士是賴且諸生睽離鄉井鼓篋而來遠者數千里其茹辛服勤之狀宜蒙矜佑於明神而回祿弗滅震驚我髦士明神寧得怒焉莫之省耶若竒等奉職無狀獲罪于天不可復赦則寧降災厥躬無俾無祿窮儒濫罹殃孽若或無知鬼魅盜感夏之氣淫用非彛明神固宜禁戢殄除俾諸生得以定

心肄業以副
明天子崇學育才之意明神亦永有依歸
辭成都府城隍廟文
邦竒不肖獲戾于神神降之罰情感事窮勢不能以不
去非敢圖自暇而荒天工也神其亮之萬里而來暮年
而去存心處事亦嘗有負於昔者之盟誓乎神其鑒之
政告

城隍廟祈晴文

禾旣黃茂淫雨日降將爲民災民乃戚咨羣王感慄迺
者荷神之惠雨則少止而陰雲緯繡歆烝未收竊惟湖

張定寰壘壘卷九

五一

湘蒸黎涸困極矣征賦科歛雜出於上守土者莫如之
何勞瘁日夕思以少瘳瘡痍而民困甚所賴神之瘳
斯民也而又于恤其將若何守土者有不竭心神寧
降災厥躬毋濫及于百姓揮陰破霾日暄風散以登我
嘉穀以惠我黎庶使永克事神神其實休

城隍廟謝晴文

時維長夏陰雨兼旬田將汙萊臣民戚感罔攸控辭辭
于有神齋而淫雨息矢籲而天宇澄幽明感孚捷于
桴鼓匪萊等之誠足浮天時實維明神誕憫元元降茲
休祉笙鼓俎豆謹致微衷伏惟冥垂眷祐使雨暘時若

生民其末受神休

祭五祀文

宮室

門戶

司行

司竈之神

惟神之德

今茲歲除

禮宜報祀

謹以牲醴

庶禴衍我

明

神

祭晉都督陶公文

恭承乏於湖湘兮

王命以孳孳

仰廟貌以承德

今感于衷之攸思

謂勤事

為俗流兮服田功

而稱聖射稼穡之稱賢

兮彼皆灼知

張定之

卷九

六

夫天命方運

筮以自劬兮孰知其志之若也

遑嬉遊以

肆誕兮與啻

孟者伍也天仁覆以好生

兮人體元而勤

物子獨秉此明哲

兮名耿耿其不沒

凜神靈之如在

兮

歷千秋而散祀

寶慶祭瀟溪先生文

嗚呼天道不言

而成功知道者德修而不自以為至而

况敢暴諸人乎哉

孟軻沒孔子之道支離决裂於管窺

蠡測者之家微

夫子道其或幾乎熄矣然而生長南服

歆焉若無當時之人莫有能知之者是亦可謂甚晦焉矣而卒克倡明道學于天下至于今是賴是豈非誠則

必形而子思子費隱之論所以必驗而無惑者耶予獨
嘅夫今之矯厲之士曾莫旦夕施功而傲焉自以爲有
餘彼豈不聞夫子之風聲哉而莫知愧悔若此亦見其
識淺而氣輕甘自棄而莫之顧也邦奇不敏承乏湖南
有風教之責深懼學者務末而舍本志內以事外以日
湮泯乎夫子之道而間又或從而倡之嗚呼安得不重
予夫子之思耶

當陽縣祭胡文定公文

嘗讀春秋而歎先生闡明道義之功也邦奇猥以庸陋
亦嘗著爲辯說以暢筆削之本意於先生蓋微有異同

張文定公環壘薈菴卷之九

七

而王霸義利之大則則固惟先生之言之是宗也况夫
秉道嫉邪凜凜乎爲

國之忠蓋水蘖不足以爲堅而泰山不足以爲崇此又
邦奇之所夙企而未慕竊欲以承高風而追遺蹤焉何
必過先生之廟然後有以動予衷耶屬漳河之收潦瞻
盛德之遺容方將使夫子之道復行于荆湖之間而未
知所以振頽而發蒙徒宵晝以矻矻累歲月而奚庸願
明神之默佑承嘉惠以無窮

嶽麓書院祭朱文公文

嗚呼人之於道猶魚之於水魚之去水雖生必困人之

去道雖生必辱夫子承程氏之學發六經之奧義祛千古之昏霾以惠我後人厥功偉矣方其安撫湖南增修書院多士蓋簪文風聿振今去夫子三百有餘歲而士學遂以乖離卑陋者諱言道學高明者假道以欺人譬則魚方陸困而爲川泳之勢無益祇自苦耳恭惟夫子勇智天成丕闡聖教迨及晚年猶以刊枝葉培本根爲務今也舉世而誦夫子之言亦聞有心夫子之心者耶邦奇不敏承乏湖南謬膺風教竊欲使讀前言者感體諸身欲速成者思篤其近士皆實學足以資當世而垂無窮以克慰夫子之靈而未得其術惟明神其默相之

張文定公環碧堂集卷之九

寧鄉祭張南軒先生文

嗚呼道固形而上者也知道者非有所爲而後爲夫惟無所爲而爲則其用爲有本而顯也無間於其微譬鬼神之無迹乃體物而不遺蓋道體其固然而聖賢惟天之是希嘅方今之賀賀恒役志於夸毗蓋自儒有真僞雖賢如子夏猶慮其或謬而子獨超然其無疑會天人於一體析義利於毫釐是豈非振古之豪傑雖百世而猶思者邪惟德意之孚感靡存亡而或遠嗟同心之難得向明靈以陳辭

安鄉祭范文正公文

惟公利鈍成敗付之天是非予奪授諸人董吾道而必
行志隨適而恒伸蓋未嘗謀利利及於後世未嘗計功
功昭于無窮在我者盡而天人感通固有不俟夫懂懂
然者孰與泯泯芬芬于聲利之間誤人家國以及其躬
者邪夫公私總判于毫釐而利害天淵其不同揆徃事
其甚晰嗟後學之盲聾感方今而弔古將微公其孰從
率諸生而薦酒動吾徒以遺風

黃陂祭二程先生文

嗚呼孰不可威維天之命孰不可矜維人之情吾嘗觀
夫枯槁藜以入幽谷者不自知其勞且病也一日使之

張定齋遺集卷之九

九

逍遙乎閭風之顛以觀日月星辰之運行彼豈不快然
如復得其生邪顧徃徃舍此以就彼非其情好屯而惡
亨蓋心失其道而踟躕煎熬以終其身不悟也斯不亦
重可矜邪天將拯乎斯人之質質而畀二夫子以淑靈
續千載之墜緒會妙道於遺經剪正路之秦蕪呼昧者
而使醒蓋真有以承天命而覺天民其功非區區者可
得而並也今去二夫子未五百歲而茲土固二夫子之
所生儼遺容其如在煥詞旨之彰明固斯文之未晦胡
後學之易零後迷途而罔覺務口耳而遺行此固予心
之所深憂而謏陋之質亦安能有以震聾而發盲恭惟

夫子因時施教嘗自謂不當復待夫憤悱也則拳拳悅俗之心或將有以相予之未能

道州祭周元公文

嗚呼劉柔善中陰陽之會其體靜真罔有攸累去聖千載道墜於地上智挺生聞發幽秘無極之真如掌斯視自子迄今五百餘歲道孰于任利欲紛熾愚者沉淪賢者矯厲競徇目前於道日戾善而弗中子亦猶慮弗善奈何使我心痲道無形聲至隱而費體道之心謙冲恬易天何言哉煥發無旣嗟嗟淺夫乃甘暴棄羊質虎皮見草則嗜孰誠弗形徒使心愧子服下僚復自韜晦清獻之賢加子盛氣矧其下者孰識其貴子於斯時心在萬世浮雲過前寧以屑意誦子之言敬惟其義曷存曷亡千載如契顧予謏陋欲奮猶躋謬膺湖湘風教之寄適子之邦濟濟英乂啓迪無方夙夜憂畏惟道之中守貴行利弗協于極匪予胡罪於昭明神眷茲多士默相予衷庶幾錫類

湘陰祭蘇孝子文

噫嗟淳古既邈悠兮慨茲民生日以偷兮物賄其依骨肉仇兮上帝不臧爲世憂兮降生仁賢恩義周兮仁以爲宮禮爲疇兮居之弗搖耨且收兮和風浹行鄉俗修

兮胡天弗佑不憇留兮芳聲庚庚死日休兮彼殘而偷
生亦羞兮百爾君子盍相攸兮釋德與義靡善猷兮予
司風教道是謀兮先生去矣孰輓其輶兮吁嗟俚俚予
將焉求兮哀申先生酌湘流兮侑以楚歌風南州兮

華容祭東山劉忠宣公文十餘字八對異而不
邦奇弱冠登第猶及見

先皇帝寵遇我公之日也公于時歷官垂四十年平生
敦龐靖默惟佐著日恪罔求于人知

先皇帝于時臨御十有八年燭微慮遠將丕振鴻業求
裕來世識公之深亦罔由于人言每朝畢召公便殿語

張文鑠鸞雀卷之九

十一

至移日

帝曰朕無惑邇言旣乃心公曰

皇撫靖萬方自厥近肝膽洞照如家人父子縉紳之士
動色交慶嗚呼自薏以猜褻革之忠而堅僻悞厲精之
至如

先皇帝與公知遇自三代而後二千餘年乃一僅見而不
幸志未克施

先帝陟遐公亦以老去使天下臣民咨嗟痛恨至于今
嗚呼哀哉抑非

先帝不能知公之賢被公無以彰

先帝之聖進而忠誠猷略足以垂無窮退而苦節清風足以勵頹俗於公宜無復遺憾顧天於天下啓泰亨而弗翊其成壽平格而弗竟其用此則天下臣民所爲深疑焉而後進之士於聞計之餘尤不能不重爲天下悲焉

又代祭文

蓋嘗慨夫君臣相知之難也或數百年或千餘年乃一僅見然相知矣或不能終將終矣而又或不能久相待也以增天下臣民之傷慨此於天意何如哉始公舉進士讀中秘書試官郎署文行政事已大爲有識所器重

張文定公環碧堂集卷之九

廿一

及叅外服總

朝憲澤覃民物而名彰朝著之間已而拜大司馬謀猷贊畫罄心竭慮家累不以隨自奉若寒士然而孜孜國政靡或少間

先皇帝察其精忠日召至便殿議天下事樞機要握罔不咨謀蓋倚公爲腹心而公亦自肺腑有懷必陳是寧不足以保其有終矣哉當是時天下臣民想聞風聲欣欣望唐虞之治而

先帝遂以賓天公亦遽以老矣嗚呼是豈非天下臣民福澤之攸係歟爲恨可勝既哉公平生不事表襮中有

定識一切毀譽禍福恬不爲動而惟恪位著憂民物忠
國家積實輝光遂以致知於

明聖雖不獲究公之志以老而高風碩望巍然山斗優
游林下又數年而壽考以終斯亦可以無復遺憾顧其
進退死生關氣運而感人情者則固非小故也某 等
奉

命有事湖湘日訊起居忽聞薨逝豈勝哀悼但謹以敬羞
牲醴遙薦于靈輻之前而哭之以辭音獨爲公戚也哉

祭西涯李文正文

嗚呼功業文章古難兼得姚宋韓柳人有遺惜公之文

張文定公集卷之九

入

十三

查遠追漢唐秉鈞二紀相業輝煌生而神靈毀齒騰聲
老而致政樂此昇平祿位名壽生而身後既享極隆亦
垂不朽某等咸辱公知夙瞻山斗聞計孔衷將此絮酒

又

嗚呼公之名動海內久矣而吾猶恨夫知公之希也

國家開太平貞元之氣交構磅礴數十年乃發爲亨嘉
之會而公生焉神智天成不假人力自經書道術以及
乎百家最技靡不通究文章詞翰極工且富以爲一代
宗而其敢或尚焉者人固得而知之矣至其察始慮終
審微知著極力殫謀以陰裨乎世道公固不以言而人

亦未易以測也

先皇帝時民熙物豐百司庶府率由成憲公秉鈞軸無一事可見而內閣所陳便殿所對凡以益

聖心而裨治化者人未必聞其詳也及夫儉克竊柄靈流橫溢剛者觸柔者靡公于其間鎮以譽望之重感以德氣之純左隄右防先縱後操以全士類而銷雲烟者功亦偉矣而人未或窺其際也已而致政家居身不接匪人足不踰戶闕口不談時事食菲衣敝室廬儵然蓋庶夫狷士或不能及乃又掩于文章功業之盛而人或不以名言信乎知公之深者亦或希矣某也雖未敢謂知

蘇定公環碧堂集卷之九

十四

公抑辱公之見知已非一日天下士聞公之沒雖邈不相識亦當爲之歎歎而不自禁况又受知愛者耶顧茲

肅

命遐方趨奠未由敢以腥爛遙薦重帟之下而緘詞以聲予哀公尚有以知予之言乎嗚呼悲夫曩者手教間及竊見詞翰之精以謂精力未艾固天壽平格以佑我國家身雖已退而所以備諮訪參謀議以係屬斯人之望者猶自有在方竊爲天下慶今也又安得不爲天下慟耶嗚呼悲夫

應城祭上蔡謝先生文

濟濟英俊鮮克有聞惟志弗強公迪果毅時淬時礪
夫孰當先克勅敵次及與國禦以金湯巍巍宮室秩秩
堂陛肅肅門墻昔治茲土作我人斯亦孔之將身雖逝
矣遺德遺言烈烈其芳予性選悞厲于頻復欲進無方
公何人也予何人也曷參以商嘉薦清酤衍我明神曰
篤不忘

襄陽祭龐德公文

公平生自食其力而風動百世坐而蠹賊其民者視公
何如也薄薦溪毛食不償功

祭顧未齋閣老文

張文定鑿壘集卷之九

五

維公天挺風標嶽鍾靈秀大魁

帝廷褒然文囿遭逢

明聖右文崇儒經幄敷陳

天顏載愉課書中秘兩奉

恩旨六載勤渠譽髦庶士

帝嘉曰才陟之台階左右匡益謀猷弼諧強梁剛克燮
友柔懷以贊中興光于九垓

大狩于南留公居守煌煌

璽書公拜稽首麟王輝輝威容赳赳居圍卒安允維公

麻布運微疾

帝夢弗祥

勅問興居藥餌且將竟溢而逝
帝乃震傷恆典隆渥錫謚文康

三朝寵榮七十遐壽宰秩華勳光前裕後某等接武
清朝同寅白首臨喪孔哀奠此卮酒

祭守備潘公文

逖矣朱方蘊隆磅礴公生其間魁梧卓犖貢于中禁夙
彌專良出居藩輔象服孔章春盎麋城波恬鯨海嶺表
既清荆邦樂愷

天子曰咨予懋乃庸陟爾仔肩以私爾恭奕奕鍾山滔

張文環壘壘卷之九

十六

洎江漢王業攸基汝徃其奠公履維約亦寬以慈不震
不擾軍民懷之我來覲公恢乎育臆秩秩話言溫溫容
色庶幾寅協共翊隆平胡溢而逝戚我黔烝寵澤髫年
暨于大耋七十六載日霑渥洽純嘏爾常考終清世薦
酒陳辭靈其末慰

祭少傅木齋謝公文

奇昔弱冠躡屨龍門獎我育我誨我維勤公時朝端百
辟仰止風儀嶷然見者畏喜

孝皇上賓公乃勇退邦國如空聞者憂畏燮理之績啓
沃之功剛大之節貞素之風誰則薰之維公盛德在野

在朝人受其益位躋極品寵隆

四朝子姓說說麟趾鳳毛年登大耋高朗令終完名純
嘏誰則如公公今逝矣海內悲思老成凋喪典刑從之
奇也受知垂三十禩亦及令子誤嘗附驥奔喪南還聞
訃苦廬匍匐就奠有淚沾裾

張文定公環碧堂集卷之九

張文定公環碧堂集卷之九

十七

聰

張文定公環碧堂集卷之十

祭文

祭太子太保南京兵部尚書鳳山秦公文

登秣陵以南眺兮見錫山之龍嵒悵碩人之遐躋兮天
矐矐其靈風毓粹靈以閔傑兮允一代之人龍翻藻揚
雲之墨沼兮吐葩江淹之筆鋒肆振聲於兩都兮扈瓊
芳以顒顒河洛淑其型冶兮齊魯怙以併幪撫荆邦之
瘡痍兮切在躬之痠痲雍三苗而澂九溪兮弭引江漢
俱朝宗陟銓衡而統泚兮展經濟於司農歷五曹以炳
勳兮膺

張文定公環碧堂集卷之十

乙

恩眷乎方隆兩肅命乎留鑰兮名與秩乎彌寧焯幾先
而勇退兮朝紳翕奏其膚功終浩然其不可挽兮振林
臯之清風躋大耄而樂康兮遠邇翹瞻乎岱崧溘乘化
以彌性兮罄朝墅以悲恫昔予童學湖南兮被德音之
渥風實多方以引掖兮曾不鄙其孱庸竟附垂天之大
翼兮以籬鷄而霄翀奉耄親以南遷兮猶誤躡乎遺蹤
辱翫縷於書劄兮欣起居之屢通方負墻之圖再兮豈
期未隔乎音容雲愁結而不解兮霰雪日夜其冥濛擷
溪毛而致奠兮欲遡流而無從視天其茫茫兮卷誰信
此孤忠獨擁懷而不紓兮溟子涕之霑膏嗚呼哀哉

祭翟太夫人文

於戲國膺純祐世產名賢賢豪特起厥有攸先譬彼夜
光出于深淵土膏以沃厥植茂焉維太夫人孝敬慈良
寔真寔安應坤無彊篤生台輔令德令望運杓綸閣覃
元裔荒敷賁自

天封章頌錫凡三十年翟冠昇食率惟溫恭訓以清白
翼翼儉勤罔渝素昔旣綏眉壽亦介繁祉咲弄孫曾含
懽沒齒于儕謏劣辱交令子薰德有年夙欽訓旨間關
嶺嶠萬里朝 京登堂愴惻莫挽儀刑永懷幽淑實係
隆興玄堂將即瞻慕曷勝燕山我我燕雲冥冥澗蘋溪
張定瓊碧堂集卷之十八
藻祗薦清馨

祭翟夫人文

京邑秀英靈宗清泚師氏夙閑閨儀稔熟來歸德門曰
嬪鉅公相惟一德于始于終公在詞垣率惟素履夫人
于時朕疎茹菲佐王之業華國之章實贊自中四海是
望公躋政府熠燿勲德夫人于時小心翼翼入廟蒸嘗
升堂甘旨佐厥義方以勗孫子公同內顧令音不瑕允
維懿德宜國宜家鶴錦翟衣及艾斯逝上聞

天子錫乃塋祭公復榮津朝野胥慶賁耀泉臺曷其有
竟其等早辱公知企德有嚴祗薦春韭以誅幽潛

祭歐太夫人文

嗚呼覩瑞羽者靈其穴探朝彩者珍其淵矧粹然而球
琳瑩燁然而雲霞騫或麗于天或施于田或近灼于京
闕或遙被乎海堦是豈惟尋常之儲畜安得不望流而
追源矧輓車之勤嗣葛覃之無斃九膽之訓佐義方以
日度宜其錦誥沐

天朝之優渥鼎食備大官之醲鮮偕封君以康樂怡然
坐邁乎稀年處人生之極休膺百祿之具全視今世其
幾何亦奚憾乎重泉養方隆而忽棄

恩鼎來而遽捐邦家之楨暫摧於今日閨閫之琛長逝

張文定公集卷之十

三

而莫旋予儕所以聞計而心盡臨喪而涕漣蓋深爲天
下惜而豈徒以令子之官聯也覩杪秋之寥沈山歷歷
以綿連望西江而薄奠庶雲輶之翩翩

代祭戶部侍郎顧公文

於乎運之將隆賢良彙出公寔挺生重熙之日簡重以
威辱哲以密懋厥勳聲以永終吉始仕秋曹三德允彰
乃秉憲節蠶鳧之鄉是糾是察是激是揚威楞振厲秋
杪飛霜

帝嘉曰才擢貳廷尉叅覈封駁日勤由慰爰陟中臺靖
茲海內芟夷稂莠嘉穀乃遂士承其德國倚其忠爰司

國計天眷日隆謂躋昇輔竟厥崇庸先幾獨炳遽以潛蹤厥蹤雖潛聲光日烈誰則如公完名全節淮海壺觴琅琊風月壽考以終委慶來哲公慎許可接物靡輕念昔寒微乃辱垂情期予寔遠誨言孔明計聞南楚盡焉內驚將赴神都道經桑梓儀容迥違德音在耳寒雲既同北風淒矣哀薦江離神其歆止

代祭少司馬熊公文

衡惟南嶽西枕寔雄維嶽降靈生此熊公公生南服卓矣其異挾負瑰奇洵厚且智律身孔嚴中也愷悌曰仕爲民豈繫爲己民之飽矣我食寧非民之煖矣我衣寧敝出職旬宣入司風紀錫厥庶民以繁厥祉既陟司馬蓋殫厥誠敢曰無虞媮以求寧對揚

張定鑿豐壺卷下

四

先烈詰爾戎兵功在朝野於赫厥聲寸雲掩日狐鼠肆志飄然南歸孰返其旆伊疇如公完名全節百世清風曷其衰歇公旣純嘏以彌爾性未即幽泉名聲日盛維予緬邈維公之思傾懷有日覲德無期有敬在俎有酒盈觴江山迢迢我心曷將維誠格遐匪遐伊邇維神格誠聿來歆止

祭徐後齋少司空文

金星注彩婺抵發祥挺生茂碩式計隆康抱冲履素茹

大廷爰試爰歆燕剗吳楚滇南貴陽中臺出撫河洛卽
襄穆爾聲色時哉翕張以經以緯以柔以剛靡施弗宜
揉此萬邦如彼膏雲有臨必滂如彼蕙蘭有採必芳爰
貳司空日崇令望宅憂南土哀毀踰常計音聿聞

天子震傷錫之祭塋於休有光諸子秀發振聲膠庠濟
濟諸孫鵠峙鸞翔維公考終純嘏以臧子儕戚咨失此
懿龐

王事靡盬孰贊以襄各纓官守于天一方允懷德誼遙
致椒漿靈巖出雲載飛載揚瞻望弗及潛焉霑裳神昭

張文定公環瑄堂集卷之十

五

不沐尚其鑒享

祭少司空親家李堇山先生文

嗚呼蚤慧成名英猷著志遜于成功亦躋臚仕鼎膺帖
居羣陰蔽芾公曰何傷飄焉謝事經綸寓正學之編而
勵俗有文獻之志賢嗣式承表厥器藝詵詵蘭堦鸞停
鵠峙集人世之所榮總百祿而無愧亦何必乞身後之
恩爲肉眼之賁耶藐藐葭葦夙承高誼謂公文章終宜
濟世胡蒼生之弗祿而東山不可復冀矣聞駕靈輻盡
焉隕涕瞻拜重帟詞以爲誄

祭東泉姚司馬先生文

萃南鎮之雄峙兮布江山之陸離委靈秀於頑人兮
月露而乘雲霓身方處乎豐校兮而文先傳乎京邑
大廷入儀曹兮藹籩糧之雲集聞說詩以解頤兮戶常
滿夫屨也爰視學於南粵兮咸以納吾矩也肆旬宣於
甸服兮澤卒覃乎居圉總內臺以揚厲兮時嚴霜以膏
雨出入中外兮征營南北宣力殫忠兮焯矣成績孰期
夫皖皖之璠璵兮而青蠅變夫白黑望東山而拂衣兮
見六月之鵬息膺

眷命而復起兮功燁赫乎華夷遽抗疏以東歸兮日林
臯之愉怡倚令子之瓌特兮紹家學以揚聲擢倫魁躋

張定公環覽畫卷之二
王堂兮將翊贊我

六

皇明孫曾森其並秀兮儼鸞停而鵠峙處百順其奚憂
兮邁稀齡其焉愧謂

寵榮之鼎來兮胡溢焉而長逝揭勳聲于海宇兮曾未
殫其蘊也極祿秩于人臣兮亦未償其勤也維厥躬之
弗羸兮固以詒後之人也瞻天末以興懷兮願臨吊而
無門既淳龐之不可追兮孰澆風之可敦悲學士之毀
磨兮朕苴衰以南奔率詞垣之庶僚兮聊遙薦此清尊

祭黃致齋少宗伯文

嗚呼靖邃天性安舒德容言論秩秩禮度雍雍平生不

見疾言遠容寔徵學力涵養之克起家進士躋于顯崇
樹贊

大禮受知

聖衷方期柄用胡溘而終悲動朝紳徹于

九重有嘉令子痛欲殞躬萬里來奔扶輓以東顧予謫
劣出入于同粵二十載罔忤于中一朝永違孰知我恫
悠悠長川冰消日融歸旆翩翩欲輓曷從薄奠危酒優
其邇風

祭公都憲文

肅

張定叢書卷之十入

七一

帝命於湖湘兮撫烝黔以傷心值乾行之多沴兮泛江
川之滛滛躬夙夜以焦勞兮猶未知其所任鄖山疊以
巖崱兮維川陝之喉襟編逋流以奠居兮糾紛綸之誰
禁鬱岷峨之豐隆兮捲霏澤以來臨顧西園而有怙兮
愜予衷之日深曰予疇昔企懷兮著稜稜之風節太阿
始發矧兮淬銛鋒之如雪或流光之燁赫兮條風行而
電掣或騰聲若雷霆兮山砰鎬其欲裂肆所指之碎易
兮寧畏夫根盤而縷結胡排擊之方利兮遽以聞其折
缺豈鄖民之不造兮澤將流而遂遏蹇瘠土之多屯兮

天又奪其恃也軫予懷之未艾兮又誰爲之飲也聯雲

山之萬重兮想杳杳其逝也擘江離以延佇兮孰知予之思也

祭房憲副文

嗚呼士之生而無益於世雖其身康樂以終猶虛生也
能無憾於中乎若夫毓德之完遭祐之薄如房公者固
天道有僭人情之所深悲然於公心非所以爲憾也吾
嘗謂公如蒼松翠竹翛然塵外風嚴雪厲果植皆落而
勁節直萎獨壯丘壑及霧散烟銷風恬日熙固不必爭
妍鬪艷而森秀鬱然滌煩醒醉嗚呼今不復見斯容乎
吾不知造物者其何以爲心邪既蓄其年又斬其後旅

張定齋碧崖卷下

八

櫬翛然鄉山千里內無肺附之親而外無薰葭之托蓋
所積如彼所遭如此行道聞之無不傷惜天道福善果
安在耶然而德成於身澤覃於民風節勵於無窮視彼
生無益而死無聞者雖幸而弗祿壽康能幾何時公之
歆高義方期澄清一方以及天下而遽至此極天乎悲
哉衣衾棺槨旣躬旣親勿之有悔茲將返櫬東魯永奠
幽居瞻望一方豈勝悲愴謹致薄奠哭拜帟前而侑之
以辭英靈不沫其亦有慰於斯言也乎

祭封太安人程氏文

於乎古有淋德曰桓少君敦行婦道百世攸聞惟太安人克敬克勤相厥夫子光于後昆古有嘉言谷風之詩凡民有喪匍匐救之惟太安人實仁實慈德孚宗鄰恩迨哉發古有田毋教存義方穆子式遵于齊有光惟太安人就養宜陽秩秩誨言德音不忘祿養方嘉
恩封載錫榮壽並臻維天祐德有皖霞帔垂光北堂云胡一疾溘焉以亡某等託交賢嗣夙欽今儀聞茲哀計中心孔悲生阻登堂死違執紼瞻望天南神飈氣鬱令子南奔將我絮酒敬奠陳辭靈其知否

祭封安人錢氏文

張定鑿聖賢集卷下

九

於乎昔令先甫之精藻鑑也識儀制君於垂貂之日字之安人安人歸劉未幾而儀制君成進士官祠部遂以膺褒錫之章爲閭閻之勸可謂獲厥配矣已而儀制君德業日益脩名譽日益振是維安人克相夫子而益彰先甫之明可不謂賢孝矣乎謂宜絕椒爾常海膺封誥用昭勸于無窮曾未中年乃溘焉而長逝豈不悲夫使鄉邦莫以爲勸而儀制君中贊之力無所於賴兀我姻戚交游之屬孰能無慨然也邪夫澗藻溪芹質柔易萎而潔清芳馨爲世所尚謹用采而奠之柩前淑靈不沫其降歆哉

祭封春坊右諭德豐公文

於乎悲乎大化之移儻忽成變而日以不逮頽夷至于
今世而有若公者生乎其間負剛毅之性稟嚴正之氣
作事必則夫前脩跬步不愆乎矩矱是固足以鑿室雕
浮支障頽靡而卒亦乘化以去莫可愬畱斯固可悲之
大者也夫古之有今生之有死猶夜旦之常傷慨何益
况公席累葉休光遺厥後人燁赫瑰奇爲世歆艷當其
授老園田再膺

封誥撫東湖之勝躡優游怡愉以躋于耄耄平生所食

益已溢箕陳而浮華祝矣是固可以含笑重泉復何悲

張定公鑾碧堂集卷之十

十一

邪顧世俗下趨講張夸麗突梯咕囁罔可視聽雖欲挹
古人風儀已不可得若之何其勿悲也某等生晚猶幸
身挹高風于明山之陽而遽接令子于玉堂之署平時
企慕又不特尋常知名者而已各縷官守趨拜靡由然
精誠無遠不假而明神無乎不通敢以芳酒溪毛遙薦
靈席之下以寄其悲

祭希純徐公暨配朱氏文

代作

於乎惟生死之猶夜旦益自古而迄今胡爲乎公與孺
人之死也獨使予歎歎而不自禁况壽與福其兼得于
與孫之爲王而爲金以茲借老而考終亦復何憾於幽

陰而人顧咎嗟歎慕咸無以異於予之心邪彼世道之日降澆成風而相煽鬪奢麗而罔實伎他人以自便求其敦朴茂而無華不畔援而歆美如公與孺人者於今能幾何見也予季弟之蘿附越二十有五霜固恩私之重厚被子翼之多方忽相繼以云殂悵無依之狂攘邈長風而掩汰蟋蟀復鳴此西堂聞夜臺之並即感日月之載陽薦絮酒而陳辭辭雖短而情長既時俗之不可古懷高情之可忘

祭封大理評事莆田林公文

於乎學弗偶一日之逢而

張文定公環碧堂集卷之十一

十一

十一

十一

恩沾乎魏闕身不係半通之銅而澤被於他邦足跡不離乎蠟穴而名聞乎列郡交遊不越於鄉閭而聞其死者或雖噫乎遐荒此公之蓄中達外積厚流光雖欲遏而不可非有心於歎揚者也嗟吾郡之凋零歲頻饑而土瘠辱今子之來臨駐豐隆而需澤激渙恣於纖微搏強徂使衆食聞公德之令純遺訓言之惻惻曰民可近而不可下勉嗣端州之清白昔今子之顯融忤權奸而落職衆方卹其喪而公獨怡然以爲得也於此見公之識操爲何如而勗厥後人以遺及於吾土者其誰之力也今也奄化去而不留獨柰何乎斯人之隄側且哲人

之云殂固吾徒之旣也奪賢侯而去之懼鰥寡之蓋也
羗顧後以瞻前如逆風之侵也望閩山兮千里思奮飛
而未能想風露之爽其槐鬱鬱乎中庭彼無疆之勲烈
旣與槐而俱萌雖音容之日杳猶千載其如生矧精誠
之孚感固罔間於幽明則吾儕所爲呼號而追慕者雖
耿耿乎天末而英靈昭格安知不有以鑒予之中情也
邪

祭方伯楊公文

嗚呼衍汾隅於東甬曠鏡川之汪洋集列宿之晶然環
雲漢以爭光公華衣而薤佩叅伯仲以翱翔諱金牛而
張文定張文定公集卷之六

上二

游及括枝經之未嘗衆徑趨以顛敬獨容與乎康莊慨
時俗之昌被忽急流乎回航日田園兮嘯咏安孝養之
無方滌冰鑑以自昭雖耄及而弗爽凡聯陰乎桑梓恒
衣被以餘芳頽泰山其何依宜鄉閭之霑霑蔚西川之
一曲森卉木之成行斯令子之規畫而公昔於斯乎徭
徭將靈車之求即感日月之載陽擷溪毛而薦酒儼平
生之豆觴

祭余南湖先生文

膺異數於玄造兮寔恢豁以瑰奇卅角邁以遠志兮曰
予賢醒以爲期聯奎壁以爲纓兮履虹霓以爲綦博羅

千古兮精析毫釐奮義若風霆兮疾邪如蛇鷄端矩矱
而不頹兮陋世俗而不爲奉大對於形埤兮燁文章之
陸離世方艷其儕榮兮而獨歆然其不怡章再上而不
報兮悵平生之弗舒乃乞官於泮黌兮曰惟便吾庭闈
苟予心其修姱以介潔兮孰知夫遠近與崇卑得嶺海
而遂行兮實鎮競以醇漓秉勁挺而不回兮曰吾以激
夫卑阨而嗻呶惟百訕其焉惑兮耿劍鋒之差差歷七
載於塗泥兮起納言於京畿遏讒說與殄行兮翼風稜
之孰違方大用以爲期兮胡崇陵之忽顛焦予吻以叫
號兮百予方而莫旋惟令名之曰延兮曾不係夫年也

張文定公集卷之十一

雖諸孤之纍纍兮亦有恃夫天也悲良朋而自殞兮未
有聞於前也絕俗之高踪兮曰方駕以周旋也亦擬
效夫尺寸兮實倚公之才賢盍舍我以長逝兮追疇昔
之話言雲黯慘以緯繡兮昏渺渺之頽川諒英魂之不
迷兮傷旅櫬之脩然感千秋而一慟兮豈予身之私憐
嗚呼哀哉

代祭汪雷峰都憲文

惟公節厲層霄躡太萬仞所過輯綏聞風懍震爲邦家
楨秉斯文印曰樞曰衡曰其登進四十九終吁嗟世運
其等辱識平生夙懷麗峻峻係職留都莫輓歸鞞千里緘

詞有哀莫盡

祭汪雷峰都憲文

予辱交於公三十年平生相期相勗於道德於功業豈其止於斯乎而公遽舍我去也嗚呼吾其復誰恃耶與公弱冠登科俱赴會試俱入太學俱出入卧起未嘗見公惰容戲言其蘄焉辟大之容不言而使人心憚常謂天實畀我以益友也嗚呼而又胡見奪之亟耶公爲文章意所獨到縱橫峭拔光焰萬丈其大身御政率如其文時之人非惟不得而知甚或至於不能堪則謂公爲迂爲僻爲傲而予則以爲頽瀾砥柱何可以頃刻無鳴

張定鑑碧堂集卷之十

十四

呼今其復誰賴耶三十年間相離則思相會則歡凡夫六合之內外形氣之分際無始之先無終之後未嘗不恣論極談竟日而不厭通宵而不倦蓋他人莫得而聞焉雖聞亦莫得而喻也而今其已矣嗚呼吾亦何樂於生耶吾自中庸傳成頗自以爲得意而未敢輕以示人竊謂使公見之或有取焉蓋無日不思獻於左右而地遠事煩莫克致之此心猶將有所遲也嗚呼詎意遂爲破琴絕絃之時乎乃今特緘一帙使令嗣輩焚之重齎之下匪我後公惟公去速嗚呼悲夫天宇都憲遣使迎喪尚未得公的報意猶冀公生還而子華通政於公卒

之二十有八日聞公信也一痛輒殞亮已方駕道遙乎
雲漢之表而予猶恐死在在世也思爲二友闡發平生
以埃於無窮而靜中司寇自燕京書來以墓銘屬我嗚
呼淺薄之德寧知果足爲二公重耶公平生微塵大塊
瞬息千古豈其以短長爲意疾革遺言惟詩書執禮會
無一言及於家事嗚呼公豈今世人物耶宜乎氣數之
不能久扶植也撫襯未由遙將薄奠瞻望雷山肝腸悽
裂

祭唐司寇夫人文

嗚呼璧琮有藉堂構有趾遠大之業厥有攸始有嚴溫

張文定公環碧堂集卷之八

五

恭實維女士相司寇公垂三十祀烈烈勳聲華夷綏祉
夙夜兢兢誨育諸子爲琳爲琅駢輝趾美謂天作合卒
贊崇偉胡不艾者中道而止其等辱愛于公亦越二紀
夙聞令德閨儀雍只今也云亡椅桐蹶矣嗟嗟人世事
亦多疚同榜九十存維三爾曰篤通家曷其邁此朔風
淒淒浮陰瀰瀰永懷幽馨敬薦芳芷

祭王定齋都憲文

嗚呼吾嘗悲夫昌黎子之言也惟知心之難得斯百一
而爲收以予謏陋誤辱公知盍收之千一萬一而今又
舍我去矣將宦途孰與翱翔而林泉孰與游處吾固以

悲吾生之不遇也公敷歷中外垂三十年雖所在著聲績而平生涵蘊宜未止此乃以纖微註誤一蹶弗起天下其焉所恃耶吾又以悲天下之人之不遇也世方樂狂醒而才鬼蜮英毅磊落如公宜人情之不相入而氣數之不能復培也則公之生明盛而不終遇也亦誰實爲之耶雪竇聲咽金莪色凄緘詞千里孰知我悲嗚呼哀哉

祭宮詹陸儼山先生文

嗚呼長熙積洽文運滋昌溟海嘯秀吳淞發祥公姿王太氣薄穹蒼懸河辯議鉤玄析芒邁古文詞天葩日章

張文定公環翠堂集卷之十

六

乘輿伸紙瞻視鍾王蚤冠京闈躋身玉堂鸞鷲層霄卿雲與翔乃陟司成式敷典常尊席講筵圍橋冠裳別溼者渭劇目維銜伎忌攸集言遜于亮八閩溪壑聊以徜徉荆吳化雨巴蜀甘棠曰子葵若隨在傾陽

天子曰咨舊學可忘召還禁掖以慰多方璫空奎壁金薤琳琅衆方拭目爲龍爲光炳幾先退黃浦之陽花下小車賓筵巨觴雲飛川沫其樂洋洋東山載起蒼生日望胡爲一疾溘焉以亡竒叨依玉樹末扈璫芳計傳白下中心盡傷言擷溪毛道遠于將秋風瑟瑟天宇茫茫

嗚呼哀哉

祭封都憲碧洲陸公暨配泚人楊氏文

東大洋之浩漾兮滙爲鄞之月湖涵景光而毓秀兮挺
碩人之魁梧下驚車于海嶠兮名聲籍甚乎京都忽韞
積以自珍兮蠙珠墜而日耀授諸子以宿學兮紛並陟
千華要文章猷略競以奮興兮咸以熙夫造也苟子澤
其汪濊以四達兮又孰踰吾好也坤裳燁以承乾兮秉
貞淳以贊公極人生之備福兮偕耄耄而考終生旣疊
膺乎封典兮沒將沐寵于無窮海內方咨啓居兮士林
咸仰夫休風矧鄉邦之知厚兮其孰能聞計而無恫望
越山而掩涕兮欲臨吊而靡從迺緘詞兮悲慘
張文定公環碧堂卷之二

淡之秋容

祭旌表貞節封太泚人謝毋陸氏文

夙秉貞嚴峻大閨臬六十八載僚俟冰雪巍巍相門睨
睨全節範我鄉邦於休有烈秩秩慈訓少宰式承受知
天子庶幾台衡乃安色養百祿是膺大耋告徂不磨令
名泝被

寵封載旌宅里閨闈殊榮生旣蕪止曰祭曰塋錫楮之

賜

明廷特恩歿又誰似耿予鄉木風操風懷少宰同朝登

堂或偕婺隕溟渤

恩輝泉臺敬薦卮酒述此榮哀

祭孫敏中文

於乎竊常博觀乎天下惟令德之難冀端慤者或苦其
拘蹙敏慧者或病於矯厲若吾子之爲人蓋粹乎其無
以議也貌斂恪而雍容性冲夷而樂易人徒見其曾次
之無疵温醇之外著耳然而完邑休風宜陽善治聲名
不振於方臨民物恒懷於旣去已而最績銓衡秋曹歷
試叅酌必中其機排擊必觀其會恢恢乎游刃大軼之
間而恒有餘地此其才又有過人者而人鮮能窺其際
也謂華要之遂躋振偉烈于無旣曾綠髮之未艾乃溘

張文定公環堂集卷之十

六

焉而長逝於乎悲哉彼造化之予奪亦莫知其所爲胡
畀以有爲之具而弗竟其施胡鑿彼可福之質而弗克
于晚豈氣有適丁其衰而數有獨逢其奇若是者雖鬼
神亦莫之能爲耶於乎悲哉顧鄉邦之厚好辱疇昔以
相知慨淳風之日喪鮮不激而不隨望靈輻而薄奠思
令德之難追其所爲號呼而悼慕者亦豈徒爲鄉曲之
私邪

代祭封宜人徐氏文

少宰之德雅靖温文友我惠我式好以惇中贊之賢我
昔攸聞宣慈懿則克嗣良門節孝之性形于毀齒誨于

之言發于瀆死其事厥夫敬如賓旅其事厥姑懼如母
子我觀少宰自擢倫魁以躋膺仕二紀于茲屋不易楹
囊無餘貲寔維宜人克相成之曰旣猶勝書生之時素
德清風宜在高佐與我後人節義廉退怙侈之徒相顧
增媿孰居閨中風動海內邦家將隆宰臣獲配配殞其
良發晦其光宰臣孔傷燁矣銘章銘章匪私潛德之光
予以藏之王阜之蒼後千百年令音不忘某也聞計願
馳京師慰我少宰哭此令儀願言不獲遡風妻其旅櫬
南旋卜塋有期遙薦牲醴敬祖靈軛

張文定公環碧堂集卷之十

祭文

祭應天府府丞張公文

惟公敦龐博雅偉貌雄文掉鞅詞囿衆莫敢倫行咏執
柄由慰日勤我心克慰罔寃於民晚達早退厥施未究
淳漫涵蓄滙爲其後厥後孔賢寔穎寔茂邦家之禎下
民是麻公卷而懷彌壽以康黃龍之浦容與徜徉封章
載錫於赫其光耄及彌智純嘏爾常某等夙偕令子寅
恭

王事聿績天曹除書鼎至公弗憇留溢矣其逝聞計傷
張文定公環碧堂集卷之十一

懷潛焉达涕音容永違企德曷已楚木之濱言采其芷
躬薦靡由緘詞千里吳山蒼蒼江水瀾瀾

祭文都闈文

於乎容儀雅飭中蘊謀猷古稱儒將庶矣其流振武維
揚馳聲上國帝嘉厥才載膺推轂湯湯江漢幅隕千里
奉

命來斯荆邦咸喜會不再暮奄忽而忘顧茲疆圉孰守
以防喪車在途霰雪其濛薄薦腥爛庶鑒我衷

祭徐都闈文

嗟嗟徐君而止於斯韜略中涵弗竟厥施居圉卒荒狼

赤
狐時起予在一方豪曹是倚年未及耆修焉告終關河
阻脩旅魂胡從壯士矢心塋以馬革薦酒陳辭慰爾忠

代祭四川劉夫人文

稟淋靈以貞則兮徵百福以康身靡踰言于閩闕兮功
陰被乎吾人相靈修以翊奮兮鋒稜稜其日淬昌風議
以補袞兮芳烈烈其不沫邦家孰其建保兮萃當朝之
秩宗寔寅清以直正兮神與人之協從相藩臬而歷試
兮澤汪濊以淋漓將崇階之峻陟兮見華萼之相輝昔
思齊之啓聖兮宅屢徙而成賢佐義方之孔劬兮昌子
張允定環翬羣卷之工

姓之宜然矧階蘭之燁燁兮咸丕嗣乎休光固淑德之
深培兮爛昭昭其未央沐恩波以樂康兮亦既躋乎耄
耄與化去之胡憾兮顧聞者之悲咽目聲華之燁赫兮
寧勿思其自也矧懿則之不復兮又孔傷吾志也采沅
湘之芳芷兮望巴江之悠悠庶一掬之清馨兮或潛格
乎冥幽

祭楊公文

於乎行能範俗道可經邦櫝珍弗售於岳之陽維岳嵬
嵬時彼湖湘公德侶之令聞令望玄機中閱悟彼谷神
不吳不揚以保其真時莫予求鬱而未伸淳蓄涵蘊其

施孔神翼翼兮子言洲公教抗言回天舉趾成效維公
之忠繫子之孝豈必自躬勲聲日邵炎光閱景鬼魅騰
觸如負千鈞焦原側足衆人傍觀惴惴于毒公率素履
超然禍福靈陰旣除
恩光遐迤鳳凰于飛一舉千里秉國之鈞維其邇矣人
謂斯何公不色喜公德公壽福亦旣同胡其逝矣我心
忡忡辱知令子夙欽高風來吏公土擬覲儀容溘焉長
辭末隔重陸往者孰旋有淚盈掬沅芷澧蘭公德之馥
敬薦靈輻庶鑒衷曲

祭推官唐公文

張文定公集卷之十一

三

望龍山之崇崇兮鬱烟嵐之相繆聞哲人之云邁兮淮
清湘之無由越千里以寄聲兮悵予衷之悠悠惟牙史
之清德兮睇三江而攬轡轡節朝甫臨兮豺狼多以避
呼蜚廉使滌塵兮命豐隆使騰霈迴厥功之焉由兮云
庭誨之自昔義方灼其有徵兮共緬懷乎令德扈瓊芳
之懿純兮陟千仞以騰聲忽俯睨乎滇南兮徵澳恣而
遂澄謂厚蓄其覃敷兮胡中道而奄棄悲旅櫬之無依
兮歷萬山之迢迤雲漠漠以翳空兮日慘慘其無色風
凄凄其僚悒兮雨淫淫其無極斐絮酒以遙薦兮味酷
烈而猶芳誠無遠而不格兮雖絕邈其何傷

祭外祖沈公文

維公承簪纓之舊族襲禮樂之遺芳完天性之敦茂寔
破觚而剗方寧食非而衣敝知伎求之匪減苟於物之
有濟絕吾粒其奚傷此公之弗羸厥躬而鬱積磅礴勢
必有所寄焉而昌者也以邦奇之孱劣亦得以與聞遺
教于先王審去就之所宜董子繼子周行夫庸知非我
公之德陰啓而默相者耶輟栢臺之揚厲返琴書乎湖
湘覩一杯之岑寂經宿草之載黃念歷官十有五年而
竟無補於外家之荒涼彼仲淹其何人豈無志以承芳
顧遭逢之弗類徒怛焉而皇皇思音容之日杳瞻遺澤

張文定公環壘集卷之十一

四

代祭鄭大尹文

維先大叅旬宣克愆公席其遺允矣淳懿泰安之墟馬
政攸寄毛仲奏功比隆汧渭乃陟海豐繁以簡禦愷悌
宜民民安其惠公旣解組予亦投簪姻盟爰締交誼彌
深溪山嘯咏每接徽音龍蛇直歲允傷我心若堂將封
寒雲載陰酌以卮酒有涕沾襟

代祭周少叅文

於乎哀哉予非悲乎夜旦之常而公之存亡自足爲方

今之輕重蓋天挺之豪才隨所施而適用爲岷山片珍
爲朝陽鳴鳳臨大艱而視若鴻毛御泛駕而周於磬控
慨于將之易摧見激湍之遽壅瞰慈湖之澄波言卒歲
以遊詠坐花竹之清幽暢風月之吟弄張而不見其矜
弛而不覺其縱見善必極於揄揚疾惡常止于微諷是
宜親厚者伏其德義而踈遠之士聞風而歆動也惟平
生之達觀視生死猶幻夢况今子之顯融迥天門之能
犴紛總總其多材將爲梁而爲棟曰福壽之旣偕亦曷
爲乎悲痛於乎哀哉鳴鳥不聞于高岡林泉誰與兮觴
詠矧葭莩之久依實異姓之昆仲恩浹我兒僅慮周我
我乎不忘庶微衷之可貢

代祭憲副張仲明先生文

於乎白璧不必澡而潔鉛刀不可淬而利惟人世之百
年微辭受與進退精金之不可蝕冰蘖之不可摧既鍾
英之特異宜百挫而不回繫棟柱之幽幽覺貞心之獨
苦室濯濯以焉遺惟清風之不腐乎樵魯而無能辱左
右以提携將荆榛之掩玉痛葭莩之何依采溪毛而薦
馨清比乎首陽之薇惟素德之斯類庶明神之不違

祭封孺人徐氏文

夫圭琮璧璫薦于

朝廷交于賓旅以光於邦家必有所籍而行焉若吾友子華憲副脩行于家顯名于國敷政教于南邦得喪不以累其心柔堅不以變其節而卒完其名非孺人中贊之力歟某誤承交游之末在雜佩之間非一朝于茲矣今也良友失賢內助得無悲乎皎皎白璧將委荒原敬薦卮酒陰風載寒

又代作

於乎貞肅之風由內以達外孝慈之德上行而下從惟履素於農桑絕希冀於顯融祀先而丞嘗必潔裕後而禮教惟崇方熙熙以嘉慶胡相繼而告終某也以倚王之葭草藉餘輝於無窮杳雲軒之何歸日徙倚以忡忡將俱即乎玄堂慘白楊之緒風薦清觴以陳辭靈連蜷而來同

張文定公環碧堂集卷之十一

六

祭封翰林編修余公文

於乎哀哉胡我公之就養京師也而適遭乎世事之多屯當冱寒而播粵及酷暑而歸鄞蓋從容於鼎鍊者幾何而勞頓疲羸以至於今也於乎天哉惟今子之居禁近既每悸乎風塵食舊則尸素奚道今章則滌灑無因

排天閣而乞地亦欲以自致於
君親惜人才而傷賢孝之心者自宜爲之寶全而藉珍
乃顧使之奉高年之親間關橫海之濱耶抑予嘗圖揆
於去就求無愧於蒼旻與其沮敗洛之行伏闕下以自
斃固不若師遜荒之意修子職以供臣今也公得以考
終故土而衰杖復有人焉固云今子之智亦天以報公
之仁邪惟平生之夷曠超道遠以全真亦奚追乎旣往
徒瓊瓊於感欣慨時俗之卑隕感昏眊之紛綸歟淳風
而誰恃吁嗟乎葛天之民

祭聞母何氏文

張子定公環岩堂集卷五

七一

於乎清淵之德勤勸之性躬澹泊劬夙夜裘緼篋衣以
相其夫也雖屢奉輒躡羈頓不遂者三十餘年乃卒霑
恩命於九重而敷厥蘊崇于文獻之地是相夫之觀厥
成也燈窓几席之間而命耳提以勗其子也一舉而登
鄉薦再舉而成進士有聲于京闈是教子之觀厥成也
有願必偕不爲不厚年望古稀不爲不壽若此而長辭
人世宜若可以無憾焉矣而鄉邦之士猶爲之咨嗟而
悼惜者祿養方膺而遽逝

寵命昇來而弗待此又令子無窮之孝思而予儕之辱
知今子者不能無拳拳也芳酒溪毛敬奠天末神無不

之監此哀悰

祭封翰林編修陳公文

於乎樂清燕者車服不及其身事高尚者勲名不顯於世益出處異形而世俗之紛榮與湖山之風節勢不可以兼得若公優游蠟穴之間而恩沾乎魏闕不見諸侯而譽聞乎京師身不及施其所蘊而誕敷于厥胤乘當代之文翰而振清華于兩都是公之積中達外德厚流光天固畀之而非有心於邀致者也享壽考以寧熙康弗祿以彌性宜亦可以無復遺憾而予儕猶爲之齋咨而侘傺者益方歆慕高風渴于一覲而乃溘焉長逝與

張之定錄意集卷之十一

八

世終違則驚惶悲惻不能自已此固夫人之恒情而予儕之私尤不能無拳拳也爰采澗汜敬羞天涯神無不之鑒此哀悰

代祭陸成用并乃愛乃弟文

荷高懷之垂眷訂百年之嘉盟同欣戚以無間霑優優之懿情庶幾乎喬木之繁陰足以永蔭蘿之依憑忽令王之早捐旣盡焉其辟膺幸我公之尚在言未好以終齡卧榻褰帷猶覩覲於勿藥而悽風慘計徒夢想乎儀刑方歡娛以爲期而悲傷之遽并以於氏之温文亦未強而遺榮聞三喪之並舉雖行道其噫嚶矧葭莩之辱

厚又安得而肝吾衡耶屬春光之二暮仰天宇其冥冥
薦絮酒而陳詞渙予涕之交零

祭憲副王質夫先生文

嗚呼卓偉之器英邁之風強仕甫躋聲勳日崇同官西
蜀曰協子恭王事靡盬監遽殲爾躬孤兒十齡鄉關萬里
烟樹蕭蕭秋江瀾瀾維附于身暨周于旅僚寔具在亦
庶詳止悠悠宇內疇哉未存心苟不愆短長曷論有殺
在俎有酒盈罍敬薦陳辭慰茲淋寃

代祭王吉甫太守文

惟公古貌如心令儀卒度發爲文詞言絢其素凜凜秋

張文定公集卷之十一

九

曹式騰英譽五過是蠲單辭罔措剖竹江洲克展克布
升度來斯民怨其暮何武去矣人有遺慕飄然鄉山徐
言矩步後學承風羨墻如晤雖則云殂流芳載路卉木
萋萋陰雲若斲言駕靈輜末即墟墓予儕小子慨如失
怙敬薦溪毛薄展哀悽

祭耿太安人文

惟靈毓秀名族儷德賢良中贊有方千里播棠陰之詠
母儀克肅鷺車飛秋杪之霜龍章賁赫昇食榮康遐壽
考終旣嘉旣愀云胡婺方隕於皖城之陰而人共咨於
明山之陽耶以令子之英特辱臨蒞平海邦允優優以

敷政實克柔而克剛曰訓慈之惟素宜吾人之不忘溯
江介之緒風鬱雲山之蒼蒼卒升堂其焉自擷江籬而
薦芳

祭外姑汪孺人文

嗚呼昔承高誼不廢庸樗納采就塾之先委禽偕計之
餘爰聆德音爰瞻令模越四十有五年荷屬念之懃劬
燕京吳苑蜀道荆墟或遇慶而怡懌或聞戚而悲歎感
人生之多故慨莫挽乎居諸嗚呼哀哉夙夜鷄鳴之驚
親交雜佩之將縞綦無改於崇貴婉婉克盡於姑嫜茲
固所申受於結縭而素淑乎諼堂者也則不肖之早叨

張文定公環碧堂集卷之十一

入

十一

甲第游忝

恩光由弱冠而白首庶幾乎大節之不傷夫孰非太孺
人之遺也而詎敢忘耶曩聞嬰疾千里皇皇適罹家艱
直衰故鄉匍匐就訣有淚盈眶嗚呼哀哉蕭騷風木悵
悵冰霜言卽玄室甕甕管衡以及免垣于建之陽念往
事之悠悠殷百感之攘攘敷哀哀而舉七見明神之洋
洋嗚呼哀哉

祭封徵仕郎禮科給事中楊公文

於乎學弗偶一日之逢而

恩霑乎魏闕身不係半通之銅而功著乎朝廊足跡不

離乎巖穴而名聞乎霄漢交游不出乎鄉邑而薦紳之士咸爲之慕其生而悲其亡此公之積中發外德厚流光雖欲過而不可而非有心於歟揚者也泊虛靜以無爲中淵然其獨識紛世故之旁通外循循其自默寧瘠已以晚人謂天道之罔忒超利祿其若遺屯厥躬之肥澤曰子子之英秀而端明夫固足以振予先之休德果培風於南溟盱冥霄而振翮抗忠言於

九重聲彌章而赫英旣揚厲以崢嶸忤權奸而落職瘝虎首以目危阨焦原之莫測衆方恆其艱而公獨怡然若爲得也於此見公之志識爲何如而勗厥後人以裨

張文定公環宇集卷之五

十一

補於今日者其誰之力也果復起而無尤終崇階之峻陟則公所謂天道者於是乎益微而禍福榮辱代乎吾前果奚足爲欣戚也今也奄化去而不留獨奈何乎吾人之排側肅

王命於湖湘訪巖林之逸迹挹令儀之無由聆嘉言之莫獲欲遡澧以求之形杳杳其日邈然而其志者公之身而不忘者公之德固明靈之在茲其有以鑒予儕之衷臆也耶

祭少參裴公文

渡西江之悠悠兮瞻松楸之森森云碩人之未歸兮悵

忼忼之誰禁言與行之不違兮情與誼之兼至通玄微
於毛鄭兮播芳馨於髦士輸忠勤以爲國兮新堂構以
亢宗曰夙志之旣酬兮返林巒乎從容開方塘而灌竹
兮斲雲根而蔕松集親朋以觴詠兮巧言笑之雍雍屢
更僕而不休兮超弄月以吟風森子姓之蒲堂兮列朝
陽之椅桐爲清廟之琴瑟兮將遜取於宗工固福履之
云備兮亦何憾乎長終顧葭葦之世倚兮綴姻媿之重
重叙舊好其何人兮含新悲之無窮奠楸槩而控詞兮
慘沈寥之長空靈連蜷而若歆兮其鑒予之微衷

祭陳翁文

代作

張文定公集卷之十一

十一

嗚呼性淳而直質溫而良丘園肥遯鹿門之麗隆山之
下叢桂脩篁賓朋萃止容與徜徉門庭肅雍寔徵義方
宜爾後昆日繁以昌予承眷厚念德不忘溢其逝矣我
心孔傷溪梅縞夜凍栢晞陽崇肉于俎載酒于觴音容
何在悵矣升堂靈乎不昧睠言來嘗

代良甫祭外姑表孺人文

嗚呼燁華宗之毓秀閱高門之千嬪蠲蒸嘗而孝享恒
錡釜之躬親隆敬愛於姑媿致甘旨以晨昏音聲不踰
於閨闈而德惠旁及於姻鄰耿予躬之謏劣愧葭葦之
倚珍承令儀之媿媿瞻德容之溫溫曾日月之幾何而

寶婺已爲之沉淪矣時坎廩以妻切景懽慘而傷神思
酬恩其何地空總麻之在身聞靈輶之旣駕心軫結以
奚神敬陳詞而薦酒渙予涕之霑巾

祭月湖陸親家文

惟靈忠敬而懿簡質而文酢世惟義飭躬以勤燁燁華
閱循循德門篤素非愆用協令聞耿予肺附歲亦周紀
惠我孔殷敷章錫美謂公純德宜永繁祉乃溘而徂予
將疇倚瀾瀾湖水悠悠我懷瞻彼日月曷云其來言薦
觴亘于湖之隈物不輸誠詞不盡哀

代祭丘十孺人文

張之完公環碧堂集卷之二

十三

惟靈媿媿厥儀温温厥容產于舊族歸惟碩宗蔗景優
游寔寧以豐愧于謫陋獲戾蒼宰諸孫不造夙遘閔凶
哀我顛連振我阨窮爰暨成立仁慈之功謂膺多祉日
康日隆云胡一疾遽殞厥躬酬德無地抱恨長終蕭穆
霜木嘹唳雲鴻薄祖靈輶優其遡風

祭寧波府通判朱公文

惟公貞標絕俗古貌如心霈澤明山高風士林温温令
子爲球爲琳言及于儕情與日深昔也偕止埤梧之陰
今也留都歡言蓋簪公維毫矣不渝今音升堂仰止危
峰十尋太化于徂少微終沉渺渺人世悠悠古今孰燬

淳龐寒風載陰山有槁木隰有枯岑敬薦清醑悲其曷
任

祭大司成葦川陳先生文

萃淋靈于巽隅兮長發祥于勾吳萃賢傑之累奮兮見
先生之英模容儼儼乎泰山兮心杲杲乎白日啓後進
披肺腑兮見側媚如仇疾摛玄奧發天葩兮奄貫經史
乎無遺遂振武於詞林兮扈瓊芳之陸離

先皇爇香中禁兮曰登俊以爲期冰鑑炯其弗沫兮允
得人而事之翼風楞其不利兮固後學之式也肆小子
之有造兮焯成均之績也遵同道而不容與兮曰勁挺

張文定公環碧堂集卷之十一

十四

而不爽苟予心其靚謚以修姱兮集猜忮亦何傷抽簪
忽乎故丘兮臨震澤以娛情宏昔人之堂構兮傳後嗣
以芳馨雖大猷之未竟兮亦旣云備福與修齡謝埃壒
以長逝兮復何憾乎幽扃顧渺渺之菲質兮誤物色于
弱冠歷三紀如一日兮被忠言之渙渙歲冉冉其日逝
兮俗靡靡其日頽感百草之不芳兮暢鷓鴣之鳴悲世
詡詡以相友兮嗟知我其誰也顧八埏以流盼兮將伊
疇乎歸也望吳雲而興喟兮涕淫淫以沾裳旣徃躅之
不可追兮懷高風之可忘

代祭楊九丈文

何彼警矣伯僑之裔夏屋如岑在水西溼匪直也人優
于駟儻爲復下仁爲昇從貴靈宗奮庸熠耀其光克順
克比爰恢爰張爰及孫子寔繁以昌允矣彌性展也樂
康予儕瑣尾式相好矣髻髮而皤歡言閭里倏爾何之
臨風四起籲奠壺觴疇哉燕喜

張文定公環碧堂集卷之十一

張文定公環碧堂集卷之十一

五

臨風四起籲奠壺觴疇哉燕喜

臨風四起籲奠壺觴疇哉燕喜

臨風四起籲奠壺觴疇哉燕喜

臨風四起籲奠壺觴疇哉燕喜

臨風四起籲奠壺觴疇哉燕喜

張文定公環碧堂集卷之十二

祭文

祭封太孺人江毋胡氏文

觚西溪之明粹稟性命之淵靈雖居幽而不沫敷芳德之清馨佐義方於閨域成令子之修能學汪汪其博洽識潭潭其邃精行能就其齊飭文燁燁其晶榮際

龍飛而擢第揚翰苑之休聲來設教於留都渥堂背以恩榮龍也忝授業於中秘而竒也辱同寅乎司成聞懿範之旣稔悼幽謖之早零矧飭新我群史與譽髦我諸生皆令子乎是託而忽見棘人之羸形矣瞻信陽之渺張文定公環碧堂集卷之十二

渺悵秋雲之冥冥惟泚德之靡倫擬江籬之菁菁

又率國子監屬官祭江毋胡氏文

崑詞林之喬傑兮來鳴鐸乎江之干麾斗杓以南指兮挾天漢以揚瀾思德源而上溯兮識坤闈之貞安願鼎膏沐

寵榮兮爛霞裳而錦鬢勿忘哀計之東馳兮慘園橋之衣冠駕孤船以西逝兮悲素衣之藥藥嗟六館之悵悵兮欲挽留而無端矧充棟之羣籍兮又孰爲乎劫於繁難渺雲軒其何所兮望川原之湯湯審泚德之不可追兮擷岍芷與汀蘭臨清秋而薄奠兮俊遡風以盤桓靈

連嗟其著臨兮庶鑒予之辛酸

祭裴親母宜人暨伯母張孺人文代叙

於維宜人豐容麗德翼勵潔脩安舒靖默言相蒸嘗饒
饒是蠲言奉姑煒晨昏是度借貴夫子輝煌象服如山
如河允康百祿媿媿孺人燕京之秀實恪實慈宜長宜
幼爰及親隣勲綏篤棊陳饋有饌實朋至喜婦姑肖德
長發其祥庭戶蕭雍桂蘭森張逾七考終亦食遐嘏未
艾適徂短脩誰主予忝中表荷姪于歸姻媿世續久席
餘輝毋範閫儀相繼周謝漠漠玄枵冥冥長夜崇封若
堂岳伯是營雙輿翩翩言即佳城我心盡傷薄采其茫
張定公環鑿堂真卷之十一
敬薦清觴悠悠江止

祭翰林檢討西泉先生易公文

登金闈而振譽兮日熏乎以荃蘭刻琳琅而銜采兮協
伯仲之箴墳弄烟月於燕山兮凌風雲乎衡嶽極天下
之雄奇兮而文亦崢嶸乎相角忽舍我其何之兮望攸
江而淚落墓草忽其幾青兮悵湖天之漠漠念夙昔之
交誼兮悲莫為之傾也天既嗇其祿壽兮又胡奪之嗣
也遺文炳其在笥兮將求托乎金石讀介溪之銘詩兮
壁藉金其弗蝕歷億祀以無窮兮惟榮名之珍世斯下
士所大嘆兮惟英靈之或契蹇予身之多艱兮思一奠

而無由托令壻以陳詞兮瞻湘雲之邈悠

祭柳汀陸親家文

蚤游郡學繼有成均詩書禮樂淋慎其身寔固關鍵寔嚴矩度嗣承先人翼翼庭戶勢而弗怙富而弗侈劑量維適約飭維禮礪精宦途允庶且才有所弗屑蓋其歸來風月嫺隣湖山朋舊秩秩威儀楚楚觴豆言迪厥子言觀厥成績學立身庭訓之徵維予弱息字于令季亦越十載允也知契粵懷宿愛言寄予私緘書千里繡縷其詞公未及聞脩其長逝予則疇依徒使心痲越水燕山我思悠悠遙奠一觴公其知否

張定盦環碧堂卷之十一

三一

祭封文林郎礪山縣知縣槐庭陸公文

嗚呼童顏鶴髮灑灑風塵望之翛然神仙中人富而不侈勢而不肆抱朴任真羲皇上士錫命自天耿光林泉備享弗祿迨于百年高朗令終亦復奚憾胡今之人聞計咨歎老成風表一旦長辭四明之陽淳風日漓矧我葭莩歡言倚玉公今逝矣曷其來復鄮山蒼蒼湖水洋洋瞻望弗及遙薦一觴

祭董大淋人文

惟太淋人之康弗祿也亦既備極人生矣矧茲大耋考終而人猶為之咨嗟悼惜何也太淋人以臯傳德業教

其子少宰公也而天下亦以期焉道方行矣罹讒誣以去

今天子下詔求舊將召置左右而又以太淋人捐養暫阻弗售太淋人弗及親見其道之行而天下之望猶缺豈非天耶某辱少宰之知幸與聞太淋人之德之教三十有六年今也與天下同悲而情有倍焉狂瀾頽矣日淪胥矣視彼驕人蒼天奈何言望越山迹莫就之敬薦溪芹迺風孔僂

祭大尹丘親家文

公游璧雍予初識面三載京華賢聲是羨粵既卒業予

張定齋集卷之十一

四

亦歸省孝友循良聞之鄉井予還自荆公以季子聘我弱息斯好千祀泱泱錢湖蒼蒼玉几以遨以遊殺核維旅留都薄宦公來句容靡月不會壺觴雍雍爰暨崇安庶能籍甚陟令宕山萋非成錦謫官魯藩頻會金臺白壁前垢公道大開再陟貴也庶展平素一疾遽殂天乎何故弱息早殤我悲未已尋復傷公燕山汶水霏霏雨雪慘慘旆旌孤兒旅迹陰雲四疑大洋溟濛遙將薄奠瞻望弗及淚下如霰嗚呼哀哉

祭封君楊太親家文

小江湖之澄泓兮並舜水而東馳襟合乎蛟門之內分

泛大洋而逶迤鄧峰王几萃以嶺空兮橫見湖海稱金
提闔闔東矚以啓闔兮翕蓄靈秀涵無涯將駿發乎吾
人兮乃弘儲而厚垂公淳龐而不斲兮氣沕穆其無爲
坦乎直而不回兮澹乎寤而無私避強梁若龜兕兮急
顛危若嬰兒好賢達若芝蘭兮遠柔佞如蒺藜甘棲遲
乎林壑兮自厚積而博施奕賢嗣之朗潤兮淹貫經史
弘文詞擢科甲以奮庸兮稟諫垣之聲威苟好萌其可
折兮雖百死其奚疑抗大疏於彤廷兮就竄謫其如飴
固直道之不容兮集衆清以羣憐蔽梗楠於樗櫟兮勢
叅雲霞乎陸離雜金沙以槩量兮精光熠燿其焉迷雖

張文定公集卷之五十一

五十一

屢奮而復躓兮終何歎乎樞鉉之爲期封章燁其自天
兮賁恩光乎庭闈謂天保之孔固兮將亞濟乎期頤鷄
鳩忽其悲鳴兮痛靈椿之先萎檄計音於荆邦兮文愁
黛華泫涓紛斑痕於湘水兮垂暮雨之淋漓公旣食此
純嘏兮於予懷乎何悲風靡靡其漓醇兮俗冉冉其趨
卑胡皇天不爲世道計兮而曾一老之不憊遺况蕪葭
之菲膚兮方瓊華之是依念令子之奔波兮相今茲其
疇歸迎秋風而作賦兮惜不展其懷也望鄞江而遙奠
予孰知子之悲也

祭丘親母包氏孺人文

維靈出自名閥歸于德門慶源斯濬彞典斯敦婉婉請
恭姑嫜娣姒馨無不宜禮和而至蠲潔靜嘉粍蠶豆籩
以洽嫺黨以歆祖先儉以助廩勤以勗德歷宦有聲相
夫之績幼而力學長也圖忠聯翮雲路教子之功三從
不愆閨儀誰及中道溘亡聞者掩涕予弱息垂奉箕箒
箒侍範無緣爲我心疚心之疚矣曷維其忘逝續嫺好
永言不爽計傳京邑百感在懷燕山越雲孰知我哀令
子南奔撼撼風木遙緘薄奠有淚盈掬

祭封泚人陳氏文

維靈麻秀名族温温閨琛來嬪華閼秩秩令音價爾豆
張文定公環聖堂集卷之十一

六

邁有饒簠簋于祭于賓翼翼堂序榛栗脯脩禮周宗戚
采荼薪樗恩逮臧獲以相我公內顧罔恤績學揚聲歷
茲崇秩皦皦玉雪餘三十年周行駟駕孰與之駢進惟
爲公退不言私不有中贊曷其臻茲荐被褻章祿食衍
衍相祀公桑祁祁中閨有嘉儀則未艾光榮云胡遘疾
奄殖彭城河嶽效靈有川大來聿翼翼官舫于彼行臺毋
曰逆旅偕公赴召族子在傍殯裏有耀百川收潦言返
靈輻公法如雨聞者興悲凡我鄉嫺夙欽幽泚明月寒
渾澄空夜玉穆穆重甯洋洋懿靈澗蘋溪藻維以薦馨

祭熊少叅文

維公敦龐之資老成之識黃甲蜚聲花封最績爰躋青
鎖聲光赫奕擢官湖藩國賦是職公帑匱矣急課乃減
民廬罄矣後稅維良公於其間綜理有方庶以律已慎
以爲防道阻且修軍需未充王事靡盬竟殲厥躬當路
聞之咸戚乃容璧毀其質劍摧其鋒矧我共事識公賢
芳今也云徂旅魂蕭蕭漢江秋矣言采其毛將我哀悽
神其孔昭

祭封太安人闈母何氏文

嗚呼人之恒情當患難窮厄之時必有所勸而後勵若
太安人者充足以勵斯世也方其前路後顛左支右柱

張文定公環瑯堂集卷之十一

七

秉一心之孤危倫萬狀之劬勩是特以盡人道之綱常
而何寵榮之復冀也已而華要子躋恩光身被徵天道
之罔僭懋人情之樂義是生也不爲無益雖死亦復何
愧而人又咸爲之傷嗟邪夫旣以德而獲福則使之享
眉壽而駢光華以使人歆艷於無益寧不愈足爲斯世
勸而天曾不少勑遺焉此又不知若之何意也予旣辱
交於令子收百一之知心德氣夙成固以徵夫善教而
周旋稔熟實倫聞乎令音登堂未遠哀訃俄臨聞玄堂
之將即天漠漠其重陰奠絮酒而陳辭惻予心之孔深

祭陸親母楊氏文

維靈質溫且惠淋慎以虔于嬪名閔儉爾豆遷眇予
弟蘿附有年秩秩德音逮于姻媿二子霑
恩諸孫森秀式燕且康以躋稀壽容髮未衰福履斯
溢焉長祖胡弗少逗昔也京師視我耄慈燕言終日柔
嘉今儀將母于南治醢及醢擬接魚軒歡我庭幃登堂
問疾計音隨聞祿養弗終陰風載昏靈輻倏駕鏡水之
濱莫釋予悲薄言薦芹

祭外舅松浦王公外姑汪氏文

於乎清朝逸老舊族耆儒灑灑遺風松陵竹塹靜惠且
溫相維淋德偕老考終歸此玄宅奇也髫齡薦紫于喬
張定之靈碧堂集卷之十一
八
五十七載儵如崇朝離合悲歡生死歌述百感在懷悵
其何及昔也登堂燕酣有恣今也來斯情如靡至京華
十載肅

命南歸言省其山宿草萋萋薄奠楸醑侑以葦薇悠悠
建溪曷旣我悲

祭外祖沈公外祖母何氏文

維沈族之當宋季有駢徽於紫陽牒靈宗於四百紹詩
書與田桑粵我公之承緒實敦信以淳龐每捐已以晚
人鄙多藏而厚亡邦奇束髮登第金閨玉堂垂四十載
致身巖廊顧孱昧其何能惟九膽之習嘗矧魏舒之徵

宅相與鍾蔡之庇荀羊皆席芳於外氏克流譽於多方
惟公自奉弗羸遺餘益長邦奇是以獲被休嘉永懷不
忘者也念私情之日迫辭

帝閣以南翔將百齡之壽母踐數千里之車航望鄉山
乎至止幸慈顏之樂康覽遺德於河橋來烏石之長岡
舅氏耄齡猶好古圖書儻然俱在床感十載之睽離笑
耆甥之斑裳潔尊羹而上隴覩原樊之荒涼思酬德乎
未能仰寄玄而盡傷

祭徐氏妹文

於乎吾妹乃竟至此極也吾嘗謂汝質柔而良性勤而

學定金聲集卷十二

九

儉困而不怨逆而不尤此固人情所難矣天性獨異謂
宜終享弗祿而竟至此極於乎哀哉送我西津遂成永
訣見汝無期肝腸崩裂於乎哀哉容顏在目聲音在耳
晝則汝思夕則汝夢我生不肖汝生不辰哭籲皇天此
痛何極且吾親年日老兄弟終鮮乞官外服固謂少遂
娛侍之心而汝又至此顧使吾親含悲於千里之外天
其何以隕我若此之極邪吾母就養二年之間朝夕念
汝聞汝有疾則皇皇終日至稽顙北辰而竟無救於死
也天乎悲哉吾年未四十而哭吾兄與妹已二人矣身
益以單痛益以切吾亦何樂於生邪固知早濫科名空

叨廩祿無才無德負罪積愆天其以移罰汝射而傷吾
心邪於平尚忍言哉病不及視死不及聞汝徒有死於
汝何益遣使歸祭助營汝墳關山阻脩骨肉分割痛不
可言靈其監之

祭徐氏妹墓文

於乎乙亥秋季我實西行維汝送我相顧涕零汝生弗
厚又嗇于齡計傳鄂渚五內摧崩父母憶汝雙鬢繁星
今歸視汝墓草四青於乎天哉實將我膺茅山之樹江
水泠泠殺羞孔時旨酒既清汝母兄嫂聚如平生魂乎
來歸歆此芬馨於乎天哉孰知我情

張定翁靈樞卷之六

祭喪氏妹文

十一

維嘉靖二年歲次癸未六月庚子朔越六日乙巳吾妹
二孀子卒之四月有九日也兄適有提學四川之命爾
勅及門既三越月矣不得已卜日戒行乃以潔牲清醑
奠于靈輒之前而哭之以文曰嗚呼吾年四十三哭同
生及汝之死愈傷我情昔我遐歸舍悽相顧今我西征
有哀誰訴汝之聰明人鮮能及揆事出言勝謀於邑相
夫成家有志弗酬憂勞孰恤命也誰尤我形既單辭親
萬里登期斯時天又殲汝庭闈痛哭極樛悲啼俛仰身
世有淚交頤嗚呼哀哉

啓攢告王孺人文

吾平生急於君親以累吾子之至於斯也幽微委曲非
子孰知喪棺旅閣聿將及暮萬里悽涼生死同悲卜吉
啓攢言旋言歸爾夫爾女咸在可依山川阻修勿驚勿
疑嗚呼哀哉嗚呼痛哉

代父親作祭紼父文

惟我祖先敦善履素七葉于茲書香猶故惟汝聰明形
神秀露妙理玄詞能思善悟皂白常明奢豪弗務書法
鍾王詩宗韋杜肯哉笑言酒醺風度合也予歡散則予
慕自爾云徂出入誰呼豈無他人不如同父江月窺簾
張文定公環翠堂集卷之二

二

焚黃祭祖文

奉承 先訓竊位于

朝祗奉

郊恩有此褒贈祿不及卷摧咽難勝謹以剛鬣柔毛粢
盛醴齊用伸虔告

贈泮人王氏焚黃文

自念夙資懿德竊位于

朝祗奉

郊恩有此褒贈寵祿弗偕痛惻曷勝謹以清酌庶羞用
伸虔告

祭兒子子球文

阿翁以酒菓飯羹祭于天故男仍十甫告之曰近日爲
欽造祖塋加土四旁念汝墳基低窪慮傷水濕擇今吉
日啓壙增高求奠無極汝其安之勿驚勿恐

又

嗚呼五歲遠父七歲委土我實何辜汝實何辜孰知我
悲天平天乎凡汝所親祭汝哭汝汝性實靈尚克歆之

張文定公環翠堂集卷之十一

十一

祭介女仲莊文

吾女數千里相隨期霜祿食之榮而我之不德不足以
庇汝乃遽見汝至此極也悲乎悲乎昔我宦游四川汝
時七齡見我出門啼號不輟既而睽隔萬里音信杳然
每聞簷鵲有聲則喜動顏色曰蜀問其庶幾來乎今茲
聚處京師則何以舍我去也嗚呼痛其尚恐言哉柔慧
靜默恭畏慈仁稟性之良而賦命之薄殃實自予汝則
何咎汝朱氏舅歸自京師託令返觀兼使官胥家老在
途扶護汝其依之以歸勿驚勿恐將俾汝封殯汝祖塋
之廬擇吉葬汝祔之先母之山之陰祀于祖祠其永安

之今汝祖母父母及汝妹弟哭而餞汝痛割衷腸涕淚如雨尚其歆之

又

維嘉靖十四年歲次乙未九月巳未朔越三日辛酉吾仲女二姐既沒暮年之忌日也先期其父甬川翁于京師官舍遣使賫俸金南歸托十八妹備牲醴庶羞率其諸弟兄弟姊妹祭之喪次曰嗚呼吾女之亡聿茲暮歲南望興悲衷腸如割今將葬汝祖塋之西未即幽居還靈祠室汝其安之勿驚勿悸嗟我不德不能庇汝致汝殒殤籲天何益庶賴祖德廕汝幽冥我心孔傷髮日添

張文定公環翠堂卷十二

十三

白遙遙江山慘慘雲日酒菓飯羹尚來歆之

祭祖考文

邦奇幸承善慶竊祿京師不獲瞻掃

先隴十年于此矣私顧情迫達于

宸聰欽蒙

恩命改南京吏部尚書得奉九齡壽母便道過家謹以剛鬚柔毛粢盛醴齊祗薦于

封塋之下仰懷遺德感愴曷勝

京邸聞嫂喪三七日撤靈祭文

去歲臘月十有七日有鄉人從鄞城來言我嫂即世城

中親友俱赴吊於家老母而下無不驚痛悲慟至今年正月十有一日家書始到知以九月二十六日病終十一月二十七日本已合葬我兄之墓嗚呼傷哉近方求文具儀為今年六十壽詎謂遽至此極城西拜別詎謂求不復瞻見也且壽止五十有九而守節之年三十有四於乎傷哉惟邦奇積罪戾天降割于我家不勅遺我賢嫂以支持家政以範儀邦族於乎傷哉邦奇哀號罔措上疏乞歸圖獲拜哭柩前以襄大事而

主上不允莫可柰何已別為文具奠托二弟代祭于家

維茲几筵不敢久留謹脩薄祭告撤于神靈嗚呼燕山

張文定公環墓真卷之二

十四

越水瞻望渺茫不知神靈知乎否耶嗚呼哀哉

祭丘嫂旌表貞節林氏孺人文

嗚呼昔我元兄來京視弟扶疾長途遂終逆旅顛天何

辜痛割背膺嫂哭屢絕聞者涕零祭兄京邸矢言于天

毋事發嫂以終天年嗟予仕途時起時仕喧慶將迎紛

其多故嫂實支持適滋劬苦子球後元庶安乳孀恩斯

勤斯七齡而七咎實在予適滋痛傷考喪告闋將母而

西嫂送西津泣涕交頤曰姑往矣予將疇依人之于仕

骨肉焉脆我於兄嫂祗以戚詒嗚呼昊天曷既我悲悠

悠七年求歸弗得近聞膺疾舉家悽惻已亥蜡月先春

二日鄉人告哀云至斯極號慟耄慈立見毀瘠爰扣
帝闕陳情孔棘

帝乃眷留曰勉供職追惟矢言三十五載於乎昊天毋
事何在為位而哭婦子咸同爰命子中服衰執桐告弟
邦韶謹奉几筵襄事卜期待子南旋先集焚衆齋薦必
虔以奉吾嫂平生之言嫂完大節扶世綱常旌于

明廷風此鄉邦不盡耿光于林于張以觀吾兄于何弗
臧生前艱阨身後餘芳茹辛日短流芳則長年垂六十
溘焉以亡擬進壽卮乃舉奠觴緘辭孔悲季弟是將瞻
望鄉山靈其洋洋

張定叟登第卷之三

五

祭福建布政司左叅政林祖葵軒翁文

嗚呼淳風日逝疇其能挽邪厚德如公竟往而莫之返
邪宗戚何賴鄉邦何所範耶嗚呼忠信公直可以動鬼
神孝友睦婣可以革澆悖苦心劬力以光紹祖先而尚
禮崇儒以懋昌後嗣斯公所以允吾宗而歆動乎斯世
者也然而褒誥頻錫容儀益見其謙愉祿養三品服食
不離乎非敝成人之美常致其悃誠閔人之窮必曲為
周濟宰木周殯而慎以栽培猶子徙居而凄然掩涕挺
乎不可拔者持身之嚴皓乎莫之淄者隄誘之備善惡
微而必辯恭畏老而弗替斯公所以享天心而優游以

卒歲者也嗚呼哀哉昔吾父妣與公聚處不惟罔間於
言而猶莫逆於心蓋攻惡猛於攻毒積善勝於積金封
植恢拓匪今斯今失怙多年每不勝其悲傷而計從東
魯復爲公以霑襟嗚呼哀哉癸巳拜違粵茲九載德音
不忘手書皆在每欲奉大耋之親歸侍公平槎水之濱
而公會不吾待也嗚呼哀哉夫東曾蔽帝之陰人皆仰
公之遺惠而越山之陽精靈弗沫使少壯之士咸克保
慎如公尚亦可以永翼宗門無淪胥以敗也係官京師
靡由躬酌遙瞻陳詞迺風孔優

祭妣父東軒公文

張文定公集卷之十一

十六

嗚呼叔父平生無疾老乃益康竊謂眉壽未涯詎意遽
至此也嗚呼妣父生太平之世七十有二年壽不爲不
高矣親見其家舉進士三世諸弟績學馳聲登庸有待
而烏紗白髮道遙林塘之間身不爲不榮矣孝于親睦
于家洽于姻隣罔忤于中罔累于物心不爲不樂矣無
疾而考終奄焉而仙逝夫亦可以無復遺憾而計傳燕
京不能不盡傷心念自拜違十載日詢動靜妣父手書
數至秩秩教言周詳而慨惻蓋自昔猶子之愛歲久而
益篤地遠而愈親也而今則已矣邦奇每思請告南歸
庶幾率諸弟稱觴歡叙如平生而今又已矣藕池槎水

追隨屨杖之思終天而止矣京邸數口朝夕聚哭吾母
年九十有一每哭必哀此乾坤何等光景實欲奮飛南
之顧徃徃羈體不得去南瞻越山極欲撫棺一慟而未
由也

祭冢婦陸氏文

甬川張翁歸自京師特冢婦陸氏孺人亡已百有七十
日冢男子中權厝其柩於其先姑王淋人墓次又百有
旬日矣爰以牲醴庶羞奠於墳所哭而告之曰嗚呼靈
淋性生柔嘉夙習來歸未幾而姑悅其順夫宜其則宗
鄙媿戚胥稱其賢蓋八世嫡宗爾惟冢婦謂當克昌我

張定公環碧齋卷之二十一

十七

祚胤光大我宗祊詎意僅十旬而病病六旬而沒也嗚
呼哀哉予以非德久尸祿位實維自速罪戾以災于厥
家不然天既與吾兒以女士矣又何奪之遽耶何貞資
淋德踈戚交贅而神顧莫之祐耶二十而後結縵疾會
未之前聞何甫入吾門而遽至是耶且吾耆而婚男亦
云暮矣榛栗未交於庭而計聞數千里之外人
耶我來自京扶耄携倪跋涉山川憂勞孰知
草露既凄聚而哭汝有淚交頤

葵婚告文

邦奇負土爲墳葬其婚余憲孫秀才自丑至酉墓乃上

成以牲醴之奠哭而告之曰於乎明明上天莫可告語
曷然曷怒降割於汝汝父不汙我心不疚端良靜默汝
罪何有我女少孀灰心仕途屢疏懇乞改官畚都得歸
塋汝祖墓之側虛其左穴以俟終極吾女蓬垢堅守空
房如幽如囚厲節冰霜百年嫠婦三尺孤兒曰惟依我
我亦既衰瞻仰昊天欲叩胡階日日江山視我衷懷嗚
呼哀哉嗚呼痛哉

張文定公環碧堂集卷之十三

哀辭

丁僉憲母夫人哀辭

懿栢臺之脩操兮金百鍊以成劉激湖湘之澳恣兮凜
杪秋之飛霜遡觀節之所由兮曰端教之自昔惟泚靈
之自天兮允柔嘉之惟則飭閨門使肅離兮相靈以率
德躬細大以必親兮劬且晝其焉斲觀紛艷其若兔兮
曰予脩姁以為飾惟養蒙之自幼兮觀感必於其所親
苟內則之匪貞兮白璧化以成塵世脂膏以相賢兮民
風曷由其再淳觀風火之自出兮對逝景而傷神

顧發齋祖哀辭

發齋

痛其祖貢士路死爲立追

慕詩卷

望茅山之崇崇兮悵關河之悠悠糾冥魂之何所兮咽
文溪而不流吁嗟白璧兮毀於秋草哀原孰求兮遯哉
天道烈烈孝孫兮痛切衷抱吁嗟先生兮中道而天結
東帛以棲魂兮封若堂之栽栽阨厥躬以昌後兮耿餘
光之不磨死者孰不朽兮塋丘園而謂何

董孺人哀辭有序

孺人董氏承仕郎薛君之室也薛君之姊爲予從王母
恒稱孺人之賢不置以謂自筐篚豆籩針縷服御無巨
細咸極精好自舅姑妯娌內親外姻以迨臧獲之屬無
遠近貴賤處之咸得其宜夫嘗被誣誣陷囹圄族黨乘

琴定環翠齋卷之六

十九

時逞兇毒肆情要索日旁午於庭孺人一身外給獄陛
內應貪殘咸克周旋處之事既白乃復以義命言諸夫
子平夙憾焉而庭戶之間遂無復嫵釁隣媼以物來售
者家人或廡其直孺人察而盈之曰彼以寡乏來柰何
抑其估也蓋慧性夙成又頗通書史識理道故動適人
意予從王母之終節也子年十有五當其時已能耳熟
其言而心識之比長拜孺人于堂德容靖嘉寔符所聞
又數年還自湖湘則既聞孺人卒矣其子郡庠生曰淋
曰洽方以善居喪稱于鄉蓋吾鄉近歲禮教日弛父母
歿未幾輒啣盃聽絲竹燕會賓客詡詡言笑如平時蕩

焉無復檢柙天與民彝泯亂殆盡而孺人諸哀乃克脩
古典根厥天性用是蓋益徵孺人之賢孝而知天道之
可誥也然以孺人之德宜享遐壽迨祿養未儀于鄉閭
未艾而歿聞者惻焉泚德懿行鄉之士既爲之狀若詩
以傳予親屬也故作哀辭以舒予哀而宣之鄉邦以求
坤貞之化云

漢醇儒之苗裔兮立天常於明之陽歷千祀以廟食兮
族蕃衍而彌昌昔嬪京之垂裕兮曰來自乎殷商婕妤
之泚靈兮謂祖考之遺芳植蕙菴以盈室兮芳菲菲而
滿堂鷓鴣忽其哀鳴兮又申之以嚴霜芳萎絕而不見

張文定公環碧堂集卷之十二

廿一

兮猶遺芬其襲裳感風火之自出兮識媯汭之攸行孰
壺內而外完兮執崇麝而弗馨風靡靡其日化兮魂杳
杳其無方於乎已矣兮將何日而能忘

